

海鹽縣續圖經序

王者量地度邑申畫郊圻周禮九職九兩六聯八成之法廣及墳衍藪牧大爲軍旅師儒網至閭閻食貨並治忽之所關采風觀政於是乎在而邑令於民尤親視百里如指臂肩背屈伸相應修其教不易其俗齊其政不易其宜求疵察微察計燭照邑之有志顧不重歟海鹽古爲武原春秋時屬越所謂北至武原者是自秦郡會稽始制縣曰海鹽南接錢唐西引苕霅東襟大海北控吳淞實浙西之緊望也歲辛酉余承乏茲邑念舊志之闕略廢而不修歷有年所考前明時吾楚亢宗樊公雅意著述敦請邑名賢胡職方研精討探爰有圖經一書文核事實別卷分門最稱詳舉我

朝彭童楊三家續之迄今又七十餘年中間文獻之足徵者不可殫述矧

國家大化覃敷人民翺洽斥鹵之民罔不率俾年來海若效靈川瀆清晏此尤志乘之當急書者已爰於校課之日下其議於諸生諸生言人人若合符余方幸此邦之可與語可與道古而引



領望劄劄氏之登者將待諸旦夕適表授轉運
分司未竟業私心怏怏今邑侯王君以名家子
治飾儒行又得邑人副憲陳存齋先生觀察錢
益翁先生暨孝廉陳純齋諸前輩仗助編纂罔
借異國之才各出枕中之秘皦皦者是贊曉曉
者勿庸於職方則有述無作竊比居多於三家
亦錄瑜捐瑕增減不苟凡夫山海之遷變亭臺
之興廢版籍之耗登異數土地之肥瘠異時以
迄賦課之程堤防之修官司之守忠孝節義文
章之挺毓莫不如觀掌果而數家珍而余昔年
未竟之緒一旦聿觀厥成豈不休乎用誌顛末
傳諸方來是爲序

乾隆柔兆攝提格之歲涂月嘉興松江鹽運分
司運判前海鹽縣知縣長沙周宣猷撰

海鹽縣續圖經序

考之周禮外史氏掌四方之志大司徒職邦國土地之圖後世志乘所由昉迨漢班固作地理志而義例益開唐宋迄明代有成書我

國家統御九有窮海臣服雕題黑齒重譯來王文德武功無遠不屆版圖式廓開闢以來所未有也內而一統全書外而直省通志已纂輯告成垂之萬世卽屬郡縣志乘亦無不擷辭採藻漸次修舉猗歟盛哉海鹽本屬越地至嬴秦始置縣疆圉寥廓經五析而後定扶輿磅礴山川融

聚劃誠意謂南龍一志至此結局非偏隅僻壤可比其風土之勝蹟人物之俊偉焜耀圖書已非一日而舊志尚屬前明天啟時胡職方所修簡編脫落磨滅不可識余下車之始訪舊本閱之歎其敘述典而實則紀載信而不誣命名圖經昉之自古權不可易卽有志重修謀之鄉先生副相陳公觀察錢公皆踊躍從事先將前志之脫落者補之磨滅者易之而舊志遂成完璧乃卽仿胡職方圖經篇目續爲一編向有彭昇仁童松門楊彫崖三君未鐫稿本取而重加論

定刪譌正舛去其繁瑣增其闕略自天啟入
聖朝一百二十餘年凡方域之廣輪食貨之充裕成
海隄海之防衛修築官印人物之政績文章以
及雜議之軼事舊聞一一燦然在目庶幾巨細
畢登詳略適宜於以供掌故之蒐羅備輯軒之
採擇不亦休歟是役也出自陳錢兩先生鴻裁
鉅筆諸君子考訂分輯孝廉士常陳公協贊之
力尤多而余亦得少參末議以成此一邑大觀
非惟茲邑史職有光抑亦仰副

聖天子右文同風之至意後之讀斯志者弗視爲紙
上空文農桑勸課務使土田益茂生聚盈阜務
使戶口益增軫恤民情而化導之休養士氣而
振興之俾邊海士民咸歌樂土將至治薰蒸鴻
猷潤飾鹽邑之川林原隰輝映無窮豈不厚幸
乎爰拜手而書於簡端

乾隆十三年歲次戊辰知海鹽縣事宛平王如
珪撰

海鹽縣續圖經序

歲在丙寅胡職方所撰海鹽縣圖經重修既竣
越一載而續圖經告成蓋 邑侯宛平王公屬
余與觀察錢公偕諸同人所共商權而成之者
也客有詢於余曰圖經曷爲而有續也余應之
曰胡職方作圖經在天啟之初迨前明末造尙
有二十年入

本朝以來重熙累洽已一百餘年統而計之相距一
百二十餘載之久矣典籍就湮遺老已盡訪求
軼事邈不可得賴有彭童二君修之於康熙十

二年又得楊君修之於康熙二十二年雖有成
藁尙未付梓今亦不能家有其書也自茲以後
又閱六十餘年及今不爲續修則泯滅不傳者
何可勝數此固吾邑後人之責而亦官斯土者
所爲怒然於申者乎宜乎 楚淵周公與 宛
平王公先後蒞鹽而有同心以成此舉 二公
之加惠於吾邑者大矣客進曰彭童二君大半
仍胡之舊加以去取曷不仿之勒爲一書而奚
以續爲余應之曰前人著作苟有未善則改絀
而更張之固宜若其盡善而取之過多嫌於襲

去之過多嫌於妄二者均失彭童合志名爲仍
胡之書而改頭換面盡失其旨又况所去過當
有大不滿人意者而可尤而效之乎今重修胡
職方圖經復還舊觀而依其篇目另續一編不
致紊越且前人之書於何止則後人之續從此
始亦作書之體裁固應然耳又未必非離之則
兩美而合之則兩傷也客又曰胡職方圖經旣
善矣今之所續其若極盛難繼何余應之曰古
今人不相及自昔云然胡職方識見之高文筆
之古後人無能爲役卽彭童二君素稱雅贍亦

安能與之頡頏何况吾輩惟悉本胡職方之意
蕭規曹隨庶幾勉步後塵若夫潤澤以俟君子
客休矣續貂之誦固吾輩今日所不辭也亦
周 王二公所見諒也而頡頏之過慮乎客唯
唯而退因次第與客往復之詞於簡以爲續圖
經序

乾隆十有二年歲次丁卯

賜同進士出身

諸授通議大夫都察院右副都御史邑人陳世倌撰

海鹽續圖經歌

陳世倌

武原舊誌孰擅場雅贍無過胡職方明天啟後
乏紀載名賢懿政付渺茫王君蒞邑百廢舉
睹此散軼心惻傷急徵羣彥捐清俸欲事纂輯
踵前芳衆皆畏難莫措手公獨要語提其綱
不過人材與政治如面眉目身冠裳擊斯二要
分品類宏綱旣舉萬目張人材百年推鼎盛大
者節義與文章如徐忠烈殉萊蕪何異迢遠拒
睢陽如錢明經叩閭闔虎鬚肯捩糾巨璫如吳
忠節塞西直慷慨攀髯追帝鄉如彭太僕守章

貢力支傾厦挺南荒如胡孝轅蒐遺帙十籤唐
詠萃琳琅如姚叔祥號腹笥牧齋有學心伏降
如彭羨門賦玉衡摩空光焰凌穹蒼如徐滄浮
著全漢正統大義壓馬光數公才節古所罕烏
可湮滅久勿彰政治大端有兩條曰惟財賦曰
海塘鹽塘法備隄海篇鱗砌品疊昉黃王

列聖憫溺豫添築南接秦嶺北鄭庄延袤萬丈遵曩
制永捍溟渤固金湯財賦條款非一節

本朝損益法最良如革解戶改軍兌閭閻永不困輸
將如除丁稅攤田畝單黎女戶免剝瘡如禁糧

現并積歎奸蠹無由飽橐囊如設順庄銷甲役
通天鐵脚獎俱亡

聖代美政超萬古應布方策勿愆忘此外貞孝及仙
釋宜洒餘瀋得附詳 公言歷歷如指掌豈殊
暗室來明釭羣賢踊躍各分任探幽索伏競表
揚或攷令典審沿革或採家乘發隱藏或徵碑
碣訪泉壤或求遺蹟顯微芒或輯奏議攢賈陸
或哀詞賦駕齊梁或察源流詳水脉或究起伏
窮山岡或稽地蕩別軍竈或覈墩戍嚴海防或
存疑似備參考或著辨詰斥荒唐每篇稿脫

公鑒定東里潤色彙衆長千毫萬楮功始就書
成三載歷星霜廻視舊志堪並美瑜亮自古豈
無雙並行不悖傳藝苑後班前馬誰低昂劓劓
甫竣 公報最粉署晉秩口含香士民頌德非
一喙或歌襦袴或甘棠有德不遺詳續志衆嘴
掛漏羣雌黃豈知不材有三立言與功德相頡
頰 公之功績遍兩浙是處感戴溢衷腸至鹽
續志言並立實兼功德浩難量名賢摹寫炯如
生

聖治揚扝久彌昌洛陽聞風紙早貴雞林久望勞眸

睚不脛而走速傳郵不翼而飛迅翱翔北傳祝
栗南濮鉛西播昧谷東扶桑共景前賢仰

聖德閱千萬禩倍禱皇如椽大筆雖小試功德已足
銘旂常魯相有知應追悔讓 君擅美垂縑緇

君今行矣無長物獨攜此冊盈篋籍隨車異
彩夜燭天應共星月爭輝煌

舊序

漢高入關鄴侯先收戶口圖籍英君詰相所以
開創王業者規模固以弘遠我

國家箝掃米脂定都北平府庫版圖不易明舊

世祖肇基已命儒臣纂輯會典計臣刊定經費錄賦

役全書

今上初元宇內一統繼徇蛋獠之鄉莫不納土貢琛
而黔西大定諸府洪荒以還不入版章者今皆
列郡建官與屯廣學自開闢以來所未有也然
聖不自聖每屋外寧內憂之懼未嘗侈言遠馭也茲

海鹽縣續圖經

舊序

一

三卷世一

允輔臣之請纂修一統志分命十五藩司各以
省志進藩司宣布

明詔檄下郡邑俾各以其志進素仁待罪海疆承

上威德海不揚波者四年於茲一方之謠俗百里之

阨塞亦嘗徧歷阡塍周覽廣斥詢咨故老講求

牧圉蓋已得其槩矣簿書下吏執簡未遑躬詣

邑之賢達查張兩都諫商權其事二公共言彭

處士孫貽童茂才申祉之才東帛式廬造請焉

二子窮蒐往牒參伍近聞凡三月而書成素仁

亟擇小吏善書者繕錄之以獻而慶言於簡端

攷邑古志不可睹卽明室元四修豐厓志嚴考
失之畧助教志備矣失之冗而駁職方志鈎奇
索隱鉅細不遺觀止矣時或失之穿鑿而傳會
二子之爲志補其闕畧刪其繁蕪其取材也博
其樹義也約大槩折衷胡書而五十年以來廢
輿沿革則加詳焉夫操觚至今日而難言矣運
當澤火風尚祗金烈士貞妻誠臣毅魄諱之恐
爽義於董狐著之疑非聖於叩馬則直筆之難
也地稍蒙穢冊兼畀災惡害已者皆去籍聽途
說者多異詞雖善旣爾無徵謀野豈能有獲則
攷證之難也世習增華人情離質素封則考必
紫芝孤孽則母皆黃鶴諷墓新碑重災梨棗瞽
宗連牘疊見閨會登之不勝有道賢良之日削
之或傷順孫孝子之心則去取之難也練都十
年研京一紀斯能該洽靡所遺忘今不及腐毫
取捷倚馬廣益靡暇集思網舉能無目漸則蒐
輯之難也然幸逢無諱之

朝鮮危言之患推古人善善之長申大憲刺刺之戒
將以激頽俗而進淳風不第迓人非而畏物責
也執此以獻于上觀戍築之勞則思綢繆於未

一雨斯爾絲之數則軫怨咨於祁寒辨地產之
遠物因禳災而郵民艱從此賢才畢登車書式
度一道同風之盛見於今茲更何慕於三五哉
康熙十二年三月海鹽縣知縣三韓張素仁撰
我

國家聲教漸暨北越陰山西極流沙東盡遼左南
踰嶺表版圖之盛自古未有也

今上御極一紀風移俗易文治蔚興允輔臣請
詔下郡國修一統志於乎爍哉顧燥濕剛柔山川各
異物華人產僻壤無殊由一邑而一國由一國

而天下牌之十丈之樓基於寸矩千金之裘成
於片腋邑志又烏可忽乎鹽之置縣實始虞氏
歷代沿革剖裂稍狹矣然襟帶大海迴互羣峯
諸水發乎武林天目支析流分形勝所都亦古
之赤絜也賦役繁而民苦瘠魚鹽之利溥而民
又慮馳逐澄其原而節宣之風草之德存乎爲
民上者三韓張侯恬恃於今四載訟易羣鎮之
以靜政易紛出之以簡古凡典列除弊有禪斯
民無不以次釐舉時進邑之鄉老耆夫申明孝
弟哀葺文獻治化之隆蒸於流時而被於人倫

此邑志之所由始也侯旣承檄修志罔敢忽也
彭子孫貽童子申祉之虛屬筆焉閱三月而成
書彭子掃軌謝客沉湛蒐羅余於童子歲暮遊
白下見其蓬底驢背攜藁濡毫筆燈終夜不寐
始而知二子之敏旣而知二子之勤也嗟乎以
二子之才而臺虎觀校讐羣籍豈遜古人區區
邑乘遊刃焉耳而二子謝客曰聞見寡陋時日
偏側考據之未獲其詳也採擇之難期於當也
烏乎志夫雲谷豐厓幾簡嚴矣或曰近於畧畧
則不可無修飾之功仇助教則漸繁矣至胡職

方圖經而文采大備今所纂述大約以圖經爲
藍本也然間有去舊而歸平易括散落而予
條貫俾讀者易目然此余二人之意也且戶
田租賦役益不俾土著僑人之流無定亥豕多
淆侵漁中飽而必辨之區區別之此又余二人
之意也金石遺文古書遺書靈光遺迹析其廢
存非齊諧之古怪區區山濤之標奇此又予二人
之意也人物履博涓流徇美冠徽皆曾史之
筭瑯盡共妻之備甫田或隱稂莠小璣飾以
城前轍已靡後車仍路然而西京雜記異同原

子駿之書襄陽者舊名實屬彥威之目過情
之失實則否此又余二人之意也二子立意如
此宜其約而有餘而不失手濫也我侯欽
承

大典手自裁刊其章程登於典則燦然治效之有
成已見於此輶軒之使王者所以觀風俗知得
失自考正也以此上之

朝廷天下同書權輿在是是康熙十二年歲次癸丑
三月既望

賜進士出身刑科掌印給事中加一級邑人查培繼
撰

郡邑之有志也攷山川之險易驗生齒之盛衰
流覽人林比屬彰瘴差役土壤分別征徭此其
大較云自陵谷有更遷之異板蕩多感慨之端
沿習猶然懿求未遠兼之書成掌故閱世滋深
篇章闕遺字跡漫漶每讀之而不勝乙也我
國家定鼎以來三十年於茲矣

皇靈遐邇文治蔚興因欲昭無外之模範自風之感
以

詔天下郡邑選博見洽聞之士續修厥志彙上於

朝以備參考爲一統之全書抑何恢弘遐遠也吾邑
控帶山海給利魚鹽夙稱沃壤屹擅名區兵燹
以後實外殷而中瘠比且歲屢不登財力益訕
邑侯張公雖才具察敏而一意休息長養之首
示民無訟終訟則函示民知禮好禮則計政成
之暇日與諸生講德論藝樂而忘疲而蒐求隱
逸採訪人文已非一日其於彭子孫貽童子由
祇所折節久矣故承修志之檄因思簡策之重
必藉端人纂輯之難務需髦士邑固多才非不
人自爲苟袁家自爲政峻而欲撻屨醜茂問學
該選約然爲纂所推述者莫二子若也故一以
昇之不三月而告成夫二子雖力單思廣搜遺
探攷見得失鑿齊異同闡辨以博而不惰於蕪
要約以精而不遺之界撻屨必折衷於史記事
而不拂乎經猶之八珍在御取其備舉而按獻
尸饗無貴異物六樂在懸取其同律而嚴器序
事無貴繁聲其爲力多因而其立心良苦余手
其書讀之其旨核其義靡臆正無缺信而有徵
以此珥筆東觀卽龍門扶風不足多讓彼范蔚
宗裴松之輩又不足並美矣張侯藻鑒得人軌

裁既定而復精心參訂訛爲一代之書以之上
副

清問豈特精寵枌榆耶卽黼黻文明潤飾鴻業將不
基焉乃雖然爲之弁於首簡康熙十有二年歲
次癸丑初夏

賜進士出身

誥封中憲大夫刑部中書印給事中邑人張惟赤謹序
國家統一寰內異國之廣遠道漢唐顧刑名則壤
諸書雖然具舉而職方之志缺焉未備蓋我

列聖遠播長駕我

海鹽縣志

卷序

七

三十一

皇上盛德神功必俟四海昇平和氣充塞然後定禮
修樂纂成會典傳之無窮所謂百年後興之意
也頃年三逆並定四方教寧凡高天厚地之所
覆載無不感深奉朔猗歟盛矣於是復

允朝臣請命天下郡縣各以其方域圖志上之行省
制府彙其省之山川名物人民戶口及古聖先
賢貞臣烈婦遺蹟副上蘭臺俾金馬石渠之彥
珥筆纂修焉將以昭一代之盛典垂萬世之鴻
業一統志之成斷於斯日矣爰備員茲土近逾
三載見其地瘠民貧拊循噢咻之不服乃仰奉

臺傲徵武原邑乘竊惟此邑僻處海隅廣袤三百里而近於九州之曠遠誠如彈丸之細黑子之在面是何足數然周覽其疆域其東則泱泱大海中山日本之所寶而服也其東南則秦山秦皇之馳道在焉西望橫山九杞唐顧况明許台仲諸人之所宅也北望乍浦柘林城郭閭閻猶有存者慨然歎孫盧之倔強而終就殲滅其間之風土人物多有紀載况戶口之日有贏縮賦役之日有增損英賢名傑之代有盛衰陵谷滄桑之代有遷改烏可無志卽烏可無增葺自

明室豐厓助教諸公以來繼以我

朝三韓張公之所輯前人之述備矣去今不五七年故蒐采猶易邑茂才楊子鼎博聞淹洽士也練習時事明于掌故禮而致之耑董其役閱兩月而告竣條上省院備采擇焉俾後之來者知聖朝聲教之暨訖不遺海隅但能加意拊循何憂荒僻將古所云方六七十如五六十猶可奏足民之效者意在斯乎意在斯乎康熙二十二年癸亥秋七月海鹽縣知縣錫山侯文燦譔

余自束髮受書博稽典籍知一代之興卽有一